

太一帝尊帝一玄經五雲散景鬱徹三清玉童玉女燒香侍靈
上願開陳與我合形使我神仙長亨利貞咒畢又叩齒二七通
此名爲帝一燒香開陳上願與靈合形之道也常能爾者則玉
華侍衛神靈輔眞鬱散香雲上徹九天將來三年則玉童玉女
都見於子矣

魂胎受馨祝第十二

凡道士入室齋戒之時臨食當以左手持筋琢拌三過乃微咒
曰

二玄上道四極清冷太一帝君百神黃室受糧三宮灌溉脾靈
上饗太和餐味五馨魂胎之命七液流停百關通和五臟華明

道藏輯要

雲笈七籤

卷三十一 井集三

雙星合景飛行上清食畢又叩齒三通此名爲魂胎受馨百神
饗糧之道常能行之令人神明氣和魂魄安室羣惡除試常保
利津

理髮祝第十三

凡道士理髮及沐頭將散髮之時先叩齒七通乃微咒曰
太帝散華玄歸大神今日吉日理髮沐塵辟惡除病長生神仙
咒畢乃髻髻竟叩齒七通都畢此名爲太帝散華理髮內法令
人終年不病耳目聰明頭腦不痛理髮常向本命旣櫛髮之始
而陰咒曰

太帝散靈五老返神泥丸玄華保精長存左拘隱月右引日根